



Uunga siunnersuut: Kalaallit Nunaannut suliffissarsiortut killilersimaarneqarnissaat pillugu Inatsisartut inatsisaata allangortinneqarneranik Inatsisartut inatsisaat nr. xx, xx 2016-imeersoq (Atuuffia aamma ilinniakkat allat, nalunaarusiortarneq il.il.)
(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)
(Siullermeenera)

Nunaqavissunik atorfinitsitsisarneq suliffinnut inuiaqatigiinnullu iluaqutaavoq. Nunaqavissumik atorfinitsitsineq ikinnerusunik aningaasartuuteqartitsisarpoq aamma tamatuma saniatigut ilisimasat piginnaasallu nunami maaniiginnarsinnaanissaat ilimanarnerusarpoq.

Kisianni ukiorpassuarni avataaneersunik sulisussanik aallertariaqartarsimanerput assigiinngitsunik peqquteqarpoq. Siullermik ilinniarsimassuseq piginnaasaqassuserlu annikimmata inuiaqatigiinni atorfiit tamaasa nunaqavissunik inuttalersinnaaneq ajorpagut. Aappasaanik inuiaqatigiinni atorfinnik peqarpoq nunaqavissut sulisartut suliffigerusunngisaannik. Pingajusnaanillu innuttaasut ima ikitsigivugut allaat atorfinnik peqartuassalluni nunaqavissunik inuttalersinnaanngisatsinnik.

Demokraatini kissaatigaarput matumap inatsisip eqaatsuujuarnissaa nutarterneqartuarnissaalu aamma eqqarsaatigineqartuuartassasut unamminartut piujuaannartut. Pingaaruteqarpoq sullivinnut atorfinnik inuttaqanngitsunik inuttaliisarsinnaanissaat, tamaanngippat tamanna tunisassiorsinnaassutsimut sunniuteqarnerlussammat.

Siunnersuutip Inuussutissarsiornermut Ataatsimiititaliami suliareqqinneqarnissaa innersuupparput.